

Der güt Cusy ist leyder dot  
Achytofel besyzt den rodt/  
Wer vrteyln sol vnd raten schlecht  
Der dunck vnd folg alleyn zü rech t  
Vff das er nit ein zunsteck bliß  
So mit man die suw in kessel triß  
Wollich sag ich es hat kein füg  
Es ist mit duncken nit genüg  
So mit verkürtzet würt das recht  
Es durfft das man sich baß bedecht  
Vnd witer fragt / was man nit wust  
Danñwirt das recht verkürtzet su st  
So hast kein wörwort gegen got  
Glaub mir / fürwore es ist kein spot  
Wann yeder wüst / was volgt har noch  
Im wer zü vrteyln nit so goch /  
Mit sölcher moß / wirt yederman  
Gemessen / als er hat gethan  
Wie du richtst mich / vnd ich richt dich  
Als wirt er richten dich vnd mich /  
Eyn yeder wart noch synem dot  
Der vrteyl die er geben hat  
Wer mit sym vrteyl bschwäret vil  
Dem ist gesezet ouch sin zyl  
So er ein gwalttg vrteyl fyndt  
Der stein der felt jm vff den grindt  
Wer hie nit halt gerechtikeit  
Der fyndt sie dort mit hertikeit  
Keyn wisheyte / gwalt / fürsichtikeit /  
Keyn ratt / got wider sich verdreit



5  
Holt  
Tuch  
red